

Date: 28-06-2005

Publication: Sing Pao Daily News



■李澤鉅（前中）同得獎同學合照。（葉堅耀攝）

長實助29港生澳洲進修 陰盛陽衰小超人

香港有唔少機構提供獎學金，而一向支持教育嘅長實主席李嘉誠都唔會手軟，長實推出「長江澳洲毅進獎學金計劃」，不過，每日去擺獎嘅大部分都係女仔，只有四位男仔獲頒獎學金，連代表長實集團嘅李澤鉅都覺得陰盛陽衰，忍唔住問咗句「點解今日女仔好似特別多」，唔通女仔真係讀書叻啲？

其實呢個計劃總共會資助70位亞洲大學生，以及70位澳洲大學生，每人有2萬8000蚊港幣畀佢哋去外地交流，而香港今年好咸水，總共有29位來自八間大專院校嘅大學生，成功獲澳洲教育部選出，即將前赴澳洲進修，佔咗總資助名額近四成。